

傷寒六書纂要辨疑卷之四

傷寒劫病十三法

一傷寒發狂奔走人難制伏先於病人處生火一盤用醋一碗傾於火上其烟冲鼻入內即安方可察其陽狂陰燥親切用藥庶無差也若初病起頭痛發熱惡寒方除以後登高而歌棄衣而走大渴欲死脉来(有)力者乃因邪熱傳裏陽盛發狂此為陽狂當用寒藥下之凡見舌捲囊縮者不治若初病起無頭疼身微熱面赤戴陽煩燥脉来(沉)(微)(無)(力)欲坐卧於泥水中者乃因寒極而發燥即陰症似



中國醫藥大學圖書館藏

陽此為陰燥當用熱藥溫之凡見厥冷下利謔語者不治醫者不看脉之虛實妄以為虛陽上隔而燥悞為實熱反與涼藥使渴愈甚燥愈急則氣消而成大害矣須詳脉來有力無力此為良法一傷寒腹中痛甚將凉水一盞與病人飲之其痛稍可者屬熱痛當用涼藥清之清之不已或遶臍硬痛大便結實煩渴屬燥屎痛急用寒藥下之若食積痛同治法如小腹硬痛小水自利大便黑身目黃者屬畜血痛用寒劑加行血藥下盡黑物則愈此三者皆痛隨利減之法也若飲水後愈加作痛

屬寒痛當用溫藥和之和之不已或四肢厥冷腹痛嘔吐瀉利急用熱藥救之

一傷寒直中陰經真寒症甚重而無脉或吐瀉脫元而無脉將好酒姜汁各半盞與病人服之其脉來者可治當察其脉用藥不拘脉浮沉大小但指下出見者生如用此法脉不至者死又當問病人有何痛處若有痛症要知痛甚者脉必伏宜隨病制宜如無痛症用此法而脉至者乃為吉兆尤當問病人若平素原無正取脉須用覆手取之脉必見也比屬反關脉診法與正取法同若平素正取有

脉後因病診之無脉者亦當覆手取之取之而脉出者陰陽錯亂也宜和其陰陽如覆取正取俱無脉者必死

一傷寒舌上生胎不拘滑白黃黑俱用井水浸青布片於舌上洗淨後用生姜片子時時浸水刮之其胎自退凡見舌生黑胎芒刺者必死此熱毒入深十有九死是腎水尅心火也若發黃者用生姜時時遍身擦之其黃自退若心胸脇下有邪氣結實滿悶硬痛法用生姜一片搗渣去汁炒微燥帶潤用絹包於患處欸欸熨之稍可又將渣和勻前汁炒

乾再熨許久令其豁然寬快此為良法

一傷寒鼻衄成流久不止者將山梔子炒黑為細末吹入鼻內外將水濕紙搭于鼻冲其血自止若點滴不成流者其邪在經未解照後秘方用藥不在此法

一傷寒熱邪傳裏服轉藥後用鹽炒麥皮一身將絹包於病人腹上欸欸熨之使藥氣得熱而行大便易通矣

一傷寒吐血不止用韭汁磨京墨呷之其血見黑必止如無韭汁用雞子清亦可正謂赤屬火而黑屬

水也

一傷寒直中陰經真寒症或陰毒証身如被杖腹中
絞痛嘔逆沉重不知人事四體堅冷如石手指甲
唇青藥不得入口六脉沉細或無脉欲絕者將葱
縛一握切去根葉取白三寸許搗如餅先用麝香
半分填于臍中後放蔥餅臍上以火熨之連換二
三餅稍醒灌入生姜汁煎服回陽救急湯如不醒
再灸關元氣海二三十壯使熱氣通其內逼邪出
於外以復陽氣如用此法手足溫和汗出即醒者
生也若用此法手足不溫汗出不省人事者必

死

一傷寒熱病熱邪傳裏亢極無解用黃連煎水一盞放井中頓冷浸青布搭在胸中徐徐換之待熱勢稍退即除不可以久漬夏天用此法冬不宜用

一傷寒服藥轉吐出不納者隨用竹管重揉內關後將生姜自然汁半盞熱服其吐即止大凡服寒藥熱飲熱藥寒飲中和之劑溫和服之如要取汗雖卒甘之劑亦宜熱服如要止汗雖辛甘溫之劑亦宜溫服

一中風痰厥昏迷卒倒不省人事欲絕者先用皂莢

末熬紙燒烟冲入鼻中有嚏可治隨用吐痰法將
皂莢末五分半夏白礬各三分為細末姜汁調服
探吐後服導痰湯加減治之無嚏不可治
一治乾霍亂不得吐者用滾湯一碗入皂莢末三分
鹽一撮調服探吐莫與米湯設若與之即死是谷
氣反助邪氣也

一中寒卒倒昏迷不省者先用熱酒姜汁各半盞灌
入稍醒後服加味理中湯如不飲酒者止用姜汁
灌之依法調治此症冬月有之餘月少也

秘用三十七方就註三十七槌法



升麻發表湯 即麻黃湯加減

治冬月正傷寒頭痛發熱惡寒脊強脉浮無汗
為表症此是太陽膀胱經受邪當發汗如頭如
斧劈身如火熾者宜用

麻黃 四分

桂枝

甘草 各三分

杏仁

去皮

白芷

防風 各分

升麻 五分

羌活

川芎 各一錢

發熱惡寒頭痛無汗而喘者加乾葛去升麻

身體痛加蒼朮芍藥去杏仁

身痒面赤者以不得小汗出去白芷杏仁加柴胡

芍藥胸中飽滿者加枳殼桔梗

感寒甚重服不出汗宜再服二三劑汗仍不出者

必死

水二鍾姜三片葱白二莖槌法加豆豉一撮煎之熟

服取汁宜厚被覆首若中病即止不宜多服多則加

別病

疎邪實表湯

即桂枝湯加減

治冬月正傷風頭痛發熱惡寒脊強脉(浮)(緩)自汗

為表症此是太陽膀胱經受邪當實表散邪無汗者

不可服



白朮

赤芍 各一錢

桂枝 三分

防風

川芎

羌活 各八分

甘草 二分

如汗不止加黃芪

喘加柴胡杏仁

水二鍾姜三片棗二枚槌法加膠飴二匙煎之溫服

羌活冲和湯

以代桂枝麻黃青龍各半等湯此太

陽經之神藥也

治春夏秋感冒暴寒頭痛發熱惡

寒脊強無汗脉

浮緊宜發散不與冬時正傷寒同

治法此湯非獨治三時暴寒春可治溫夏可治熱

秋可治濕治雜症亦有神効

川芎

防風

蒼朮 各八分

羌活



黃芩

地黃 各二錢

白芷 八分

甘草

細辛 各三分

胸中飽滿加枳殼桔梗去地黃

夏月加石膏知母名神術湯如服此湯不作汗加

蘇葉喘加杏仁地黃汗後不解宜再服汗下兼行

加大黃釜底抽薪之法

其春夏秋冬感冒非時傷風亦有頭痛惡寒少熱自

汗脉浮緩宜實表去蒼朮細辛加白朮若汗不止

加黃芪芍藥

水二鍾姜三片棗二枚煎至一鍾槌法加葱白搗汁



中國醫藥大學圖書館藏

五匙入藥再煎一二沸如發汗用熱服止汗溫服
柴葛解肌湯 即葛根湯加減

治足陽明胃經受症目痛鼻乾不眠頭痛眼眶痛
脉來微洪宜解肌屬陽明經病其正陽明腑病別
有治法

柴胡

乾葛

黃芩

芍藥 各一錢

羌活

白芷 各分

桔梗 分

甘草 三分

無汗惡寒甚者去黃芩加麻黃冬月宜加春宜少
夏秋去之加蘇葉

水二鍾姜三片棗二枚槌法加石膏末一錢煎熱服



柴胡雙解飲 即小柴胡湯加減

治足少陽胆經受症耳聾脇痛寒熱嘔而口苦脉來弦數属半表半裏症宜和解用此

柴胡 一錢二分

黃芩 一錢

陳皮 八分

芍藥

人參

半夏 各五分

甘草 三分

小便不利加茯苓 脇痛加青皮

寒熱似瘧加桂枝 痰多加瓜蒌仁貝母

渴加天花粉知母 齒燥無津液加石膏

咳嗽加五味金沸草 虛煩加竹葉炒粳米

少陽與陽明合病加葛根芍藥如拾芥



婦人熱入血室加當歸紅花

男子熱入血室加生地黃 嘔者入姜汁竹瀝

傷寒無表症熱勝者加大黃甚者加芒硝

水二鍾姜一片棗二枚槌法入生艾汁三匙煎溫服

桂枝大黃湯 即桂枝湯加減

治足太陰脾經受症腹滿而痛咽乾而渴手足溫
脉來沉而有力此因邪熱從陽經傳入陰經也

柴胡

大黃

芍藥各一錢

桂枝

甘草 各五分

枳實 八分

腹滿不惡寒而喘者加大腹皮去甘草



水二鍾姜一片棗一枚煎臨服槌法入櫛榔磨水
是熱服

加味理中湯 即理中湯加減

治足太陰脾經受症自利不渴手足溫身無熱脉
來沉而無力此屬臟寒

乾姜

肉桂 各四分

白朮一錢 人參

陳皮

茯苓 各八分

甘草 三分

厥冷消渴氣上衝心飢不欲食食即吐魷腹痛大
便實者加大黃蜜少許利之

腹濡滿時減者去甘草



嘔吐八半夏姜汁 踈卧沉重利不止少加附子

利後身體痛者急溫之加附子

自利腹痛入木香磨姜汁調服和之

水二鍾姜一片棗二枚煎臨服槌法入炒陳壁土一

匙調服取土氣以助胃氣

茵陳將軍湯 即茵陳湯加減

治足太陰脾經腹滿身目發黃小水不利大便實

發渴或頭汗至頸而還脉來沉實者宜用

大黃

山梔

黃芩 各二錢

茵陳

厚朴

枳實

各八分

甘草

三分